

Ingerlatitsinerit nakkutigisaasunut akigititanik aalajangersaanernut uppersaati pillugit Namminersorlutik Oqartussat nalunaarutaat

Akilaaruserinermik ingerlatsineq pillugu Inatsisartut inatsisaat nr. 11, 2. november 2006-imeersumi, Inatsisartut inatsisaanni nr. 22, 28. november 2018-imeersumi allanngortinneqartumi § 36 b, imm. 2 naapertorlugu aalajangersarneqarput:

§ 1. Nalunaarummi pineqarput akilaartussaati, isertitanik akilaaruserneqartussaati akigigititanik imaluunniit agguanneqartussaati naatsorsuinermit suleqataasunut attuumassuteqartunut niuernikkut imaluunniit aningaasaqarnikkut ingerlatitsinernut akigigititanik atugassarititaasunillu atuisussaapput (ingerlatitsinerit nakkutigisaasut), ingerlatitsinerit illuatungeriit imminnut attuumassuteqanngitsut akornanni naammassineqarsimasuuppata anguneqarsinnaasussanut naapertuuttunik, takuuk aningaasarsianit akilaarutit pillugit Inatsisartut inatsisaat § 36 a, imm. 1, aammalu ingerlatitsinernut nakkutigisaasunut taakkununga akigititanik atugassarititaasullu qanoq aalajangersarneqarsimanerannut allaganngorlugu uppersaatinik suliaqartussaallutik uninngasuuteqartussaallutillu, takuuk aningaasarsianit akilaarutit pillugit Inatsisartut inatsisaat § 36 b, imm. 2.

Imm. 2. Aningaasarsianit akilaarutit pillugit Inatsisartut inatsisaat § 36 b, imm. 4-imi allassimavoq, akilaartussaati annertussusissanut killissaliussat ataanniittut, ingerlatitsinernut nakkutigisaasunut aalajangersimasunut uppersaatinik taamaallaat suliaqassat.

§ 2. Uppersaat marlunnik immikkoortoqartoq, suliffissuaq tamakkerlugu ataatsimoortumik uppersaat aammalu suliffissuarmi akilaartussaati tamaginnut immikkut uppersaat nunamut tunngasoq, nassuiaatinik misissueqqissaarnernillu il.il. ataatsimoortumik uppersaat pillugu § 4-imi nassuiarneqartunik aammalu uppersaat nunamut tunngasoq pillugu § 5-imi nassuiarneqartunik, imaqassaaq aammalu akigititanik atugassarititaasullu ingerlatitsinerit illuatungeriit imminnut attuumassuteqanngitsut akornanni naammassineqarsimasuuppata anguneqarsinnaasussanut naapertuuttumik aalajangersarneqarsimanersut nalilersuinermit tunngavissaliisinaassallutik.

Imm. 2. Nassuiaanerit, misissueqqissaarnerit il.il. §§ 4-imi aamma 5-imi taaneqartut annertussusaannut, suliffissuup, akilaartussaati aammalu ingerlatitsinerit nakkutigisaasut taakkua annertussusaat pisariussusaallu apeqqutaassaaq.

Imm. 3. Uppersaat kalaallisut, danskisut, norskisut, svenskisut imaluunniit tuluttut suliarineqarsinnaavoq.

Imm. 4. Uppernarsaat piumasarineqarnerani akileraartarnermut ingerlatsivimmut ullut 60-it qaangiutsinnagit nassiuuneqassaaq.

§ 3. Ingerlatitsinernut nakkutigisaasunut pingaaruteqanngitsunut § 5 naapertorlugu nassuiaanernut misissueqqissaarnernullu tunngatillugu, ingerlatitsinerit, akileraartussaataitaasup pingaaruteqanngitsutut naliliiffigisai, taamaallaat allanneqassapput.

Imm. 2. Ingerlatitsinerit aningaasaqarnikkut annikitsuinnarmik annertussusillit ataasiaannarluni pisut pineqarpata, ingerlatitsinerit § 5-ip ataaniittut pingaaruteqanngitsutut isigineqassapput.

§ 4. Ataatsimoortumik uppersarsaat suliffissuarmut diagrammimik imaqaassaaq, suliffissuup inatsisitigut aaqqissuussaannikkullu ilusaanik takutitsisumik, ilanngullugit nunap suleqataasut attuumassuteqartut ataasiakkaat suliaqarfigisai allallugit.

Imm. 2. Ataatsimoortumik uppersarsaat suliffissuup ingerlatsinermini suliaannik ataatsimut isigalugu nassuiaammik imaqaassaaq, ilanngullugit makkua:

- 1) Suliffissuarmi tunngavigisat annertuumik aningaasarsiorfusut (*drivers of business profit*).
- 2) Tunisassianut aamma/imaluunniit sullissinernut tallimanut annerpaanut kaaviiartitanut uuttukkamik suliffissuup pilersuiffinit (*supply chain*) kiisalu tunisassianut aamma/imaluunniit sullissinernut tamaginnut, suliffissuup patajaallisakkamik kaaviiartitaasa 5 procentianit annertunerusunut nassuiaat. Nassuiaat diagrammimi takussutissiarineqarsinnaavoq.
- 3) Suliffissuarmi suleqatigiit imminnut atassuteqartut akornanni sullissinissamut isumaqatigiissutinik annertuunik naatsumik nassuiaalluni allattukkat, tassani ilaanatik ilisimatusarnermut ineriartortitsinermullu sullissinissamut isumaqatigiissutit, kiisalu sullissinernut annertuunut, suliffissuarmi sullissiviit qullersaqarfiini isumagineqartunut imaluunniit isumagineqarsinnaasunut aammalu sullissinermut aningaasartuutit atugassiinermut nuussinermut akinik aalajangersaasarnermut politikkinut atorineqartunut aammalu suliffissuup iluani sullissinernut akiliinernut akigititanik aalajangersaarnermut, nassuiaatit.
- 4) Nunami sumiiffimmi tunisassianut sullissinernullu kaaviiartitani uuttorlugu niuerfiit annersaannut nassuiaat, takuuk nr. 2.
- 5) Atuuffinnut misissueqqissaarneq naatsoq, suliffissuarmi ataatsimoortumik aningaasarsiorfitsinermut pingaarnertut iluaqutaasunik nassuiaavisoq, suliffissuarmi suleqatigiit imminnut attuumassuteqartut ataasiakkaat sorliit, atuuffinnut annertuunut, annaasaqarsinnaanernut kiisalu pigisanut nalilinnut tunngatillugu tamatumunnga iluaqutaanersut pillugu paasissutissartaqartoq.
- 6) Annertuunik aaqqissuussaannikkut allannortiterinernut, pisinernut tunisinernullu ukiup isertitaqarfusup ingerlanerani pisunut nassuiaat.

Imm. 3. Suliffissuup pigisaannut tigussaannngitsunut (OECD-p Transfer Pricing Guidelinesiani kapitel VI-imi nassuiarneqartutut) ataatsimoortumik uppersarsaat makkuninnga imaqaassaaq:

- 1) Suliffissuup pigisanik tigussaannngitsunik ineriartortitsinermut, piginnittuunermut aammalu atuineri pingaarnertigut periusissiaannik ataatsimut isigalugu nassuiaaneq, ilanngullugit suliffissuup pingaarnertigut ilisimatusarnikkut ineriartortitsinikkullu atoruisa nunami sumiiffimmi inissisimanerat kiisalu ingerlatat taakkua suminngaaniit aqunneqarnerisut allallugu.
- 2) Suliffissuarmi pigisat tigussaannngitsut imaluunniit pigisat tigussaannngitsut ataatsimoortukkaat, suleqatigiit imminnut attuumassuteqartut akornanni ingerlatitsinernut pingaaruteqartut allassimaffiat,

aammalu suliffissuarmi immikkoortortat sorliit pigisanik tigussaangitsunik taakkuninnga inatsisitigut piginnittuunersut allallugu.

3) Pigisat tigussaangitsut pillugit suleqatigiit imminnut attuumassuteqartut akornanni isumaqatigiissutit annertuut allassimaffiat, ilanngullugit pingaarnerit CCA-mi isumaqatigiissutit (*Cost Contribution Arrangements*), ilisimatusarnermik ineriartortitsinermillu sullissinissamut isumaqatigiissutit kiisalu pisinnaatitsissutitut aamma royaltynut isumaqatigiissutit.

4) Suliffissuup ilisimatusarnermik ineriartortitsinermillu ingerlataannut kiisalu pigisanut tigussaangitsunut tunngatillugu nuussinernut akinik aalajangersaasarnermut politikkiinut pingaarnernut ataatsimut isigalugu nassuiaatit.

5) Ukiup isertitaqarfusup ingerlanerani pigisanut tigussaangitsunut pisinnaatitaaffinnik suleqatigiit imminnut attuumassuteqartut akornanni nuussinernut annertuunut tamaginnut ataatsimut isigalugu nassuiaat, immikkoortortat aamma nunat sorliit nuussinerni akuunersut, kiisalu tamatumunnga atatillugu akiliinerit allallugit ilanngunneqassallutik.

Imm. 4. Suliffissuup aningaasaqarnikkut ingerlataannut tunngatillugu ataatsimoortumik uppernarsaat makkuninnga imaqassaaq:

1) Suliffissuup qanoq aningaasalersorneqarnersoq ataatsimut isigalugu nassuiaat, ilanngullugu taarsigassarsititsisunut arlaannaannulluunniit attuumassuteqanngitsunut aningaasalersuinikkut aaqqissuussinerit qitiunerpaat nassuiarneqarnerat.

2) Suleqatigiit imminnut attuumassuteqartut tamarmik, suliffissuarmut tunngatillugu qitiusumi aningaasalersuineriut atuuffeqartut, kinaassusaat, ilanngullugu nunat immikkoortortat taakkua aaqqissuussaaneermi najugaat, kiisalu sumiiffik immikkoortortat aqunneqarfiat, allallugit.

3) Suleqatigiit imminnut attuumassuteqartut akornanni aningaasaqarnikkut aaqqissuussineriut tunngatillugu, suliffissuup nuussinernut akigititanik aalajangersaasarnermut politikkiinik ataatsimut isigalugu nassuiaaneq.

Imm. 5. Suliffissuup naatsorsuutitigut akileraarutitigullu inissisimanera pillugu ataatsimoortumik uppernarsaat makkuninnga imaqassaaq:

1) Ukiumut suliffissuup naatsorsuutai patajaallisakkat, taakkua naatsorsuutini saqqummiinissamut, suliffiup iluani aqutsineriut, akileraarutini naatsorsuineriut atugassatut suliarineqarsimappata imaluunniit allamut atatillugu suliarineqarsimappata.

2) Suliffissuup APA-nut (*Advanced Pricing Agreement*) aalajangersimasunut tunngasunut, akileraartarnermut isumaqatigiissutaannut aalajangiinernullu atuuttunut, nunat akornanni isertitat agguarsimanerat pillugu siunissami atuuttussanut allattuiffik aamma nassuiaat naatsoq.

§ 5. Akileraartussaataasooq pillugu nunamut tunngasoq uppernarsaat makkuninnga imaqassaaq:

1) Akileraartussaataasooq aqutsinerata ilusiligaaneranut nassuiaat, najukkami aaqqissuussaaneermut diagram aammalu ataasiakkaanut najukkami aqutsisut nalunaarusiorfigisartagaannut nassuiaat, kiisalu nunat sorliit ataasiakkaat taakkua nalinginnaasumik allaffeqarfinni najugarineraat allallugu.

2) Suliffeqarfiup aammalu ingerlatsineriut periusissiap akileraartussaataasumit malersorneqartup sukumiisumik nassuiaataat, kiisalu akileraartussaataasooq ukiumi isertitaqarfusumi kiisalu ukioq isertitaqarfusooq atuuttoq sioqqullugu aaqqissuussaaneerup allanngortiterneqarnerani imaluunniit pigisanik tigussaangitsunik nuussinermi akuusimanersoq imaluunniit sunnerneqarsimanersoq allallugu, aammalu akileraartussaataasumut qanoq sunniinersut imaluunniit sunniisimanersut nassuiarlugu.

3) Akileraartussaataitaasup unammillertai pingaernerit allallugit.

Imm. 2. Nunamut tunngasumi uppersaammik ingerlatitsinerit nakkutigisaasut, akileraartussaataitaasup akuuffigisaasa suussusaanni tamaginni makkuninnga paasissutissiisoqassaaq:

- 1) Ingerlatitsinerit nakkutigisaasut nassuiaat (assersuutigalugu pisiniarneq, tunisassiorneq, tuniniaaneq, pilersuineq imaluunniit sullinneqarneq, taarsigassarsiat, qularnaveeqqusiinerit, pigisanik tigussaangitsunik pisineq tunisinerlu, royaltynik akiliineq il.il.) kiisalu ingerlatitsinerit nakkutigisaasut ingerlanneqarsimaneranni ataqatigiinnertut nassuiaat.
- 2) Ingerlatitsinerit nakkutigisaasut akileraartussaataitaasup akuuffigisimasaasa suussusaanni tamaginni ataatsimut katillugu iluminni akiliinerit aningaasartai allallugit (assersuutigalugu tunisassianut, sullissinerit, royaltynut, ernianut il.il. akiliinerit), akileraartarnermi inatsiseqarfiusuni akiliinerit ingerlanneqarfigisaannut immikkoortiterlugit.
- 3) Suleqatigiit imminnut attuumassuteqartut, akileraartussaataitaasoq peqatigalugu ingerlatitsinerit nakkutigisaasuni tamaginni immikkut akuusut kikkunerat, kiisalu suleqatinut taakkununga tamanut immikkut atassuteqarneq naatsumik nassuiarlugu.
- 4) Isumaqatigiissutit nakkutigisaasut pingaarteqartut, akileraartussaataitaasup ilaaffigisaasa tamarmik assilinerat.
- 5) Akileraartussaataitaasumik kiisalu suleqatigiinnik imminnut atasunut attuumassuteqartunut ingerlatitsinerit nakkutigisaasut immikkoortuutit tamaginnut tunngatillugu sukumiisumik sanilliussilluni misissueqqissaarneq aamma atuuffinnut misissueqqissaarneq, ilanngullugu ukiunut siusinnerusumiittunut tunngatillugu allannguutitut tamaginnut nassuiaat.
- 6) Ingerlatitsinerit suussusaannut tamaginnut tunngatillugu nuussinertut akinik aalajangersaanermi periaatsip naleqqunnerpaap allanneqarnera aammalu periaatsimik toqqaanermut tunngavilersuut.
- 7) Nuussinertut akigititanik aalajangersaanermut periaatsimut tunngatillugu naleqquppat, nuussinermi peqataasut arlaat misileraavigineqartussatut toqqaarneqarsimanersooq paasissutissiisutiginneqassaaq, aammalu toqqaaneq tunngavilersorneqassaaq.
- 8) Nuussinertut akigititanik aalajangersaanermut periaatsip atorineqarnerani tunngavigisat ilimagisallu tunngavigineqartut nassuiarneqarnerat.
- 9) Ukiunut arlalinnut misissueqqissaarnermik suliaqartoqarsimappat, taamatut aallaaveqarneq tunngavilersorneqassaaq.
- 10) Ingerlatitsinerit (suliffiup iluani aamma avataani) sanilliunneqarsinnaasut toqqakkat allassimaffiat aammalu nassuiaatitaat kiisalu suliffeqarfinnut arlaannaannulluunniit attuumassuteqanngitsunut nuussinertut akigititanik aalajangersaanermut misissueqqissaarnermi atorineqartunut aningaasaqarnikkut toqqammaviusut pillugit paasissutissat, ilanngullugit toqqaaniarnerup ingerlaneranut aammalu paasissutissanut atorineqartunut najoqqutarisanut nassuiaat.
- 11) Sanilliukkuminassusaannut iluarsiinertut aammalu misileraavigineqartumi paasisani, ingerlatitsinerit sanilliunneqarsinnaasuni imaluunniit taakkunani tamaginni iluarsiisoqarsimanersooq, nassuiaat.
- 12) Ingerlatitsinerit attuumassuteqartut, nuussinertut akigititanik aalajangersaanermut periaatsip toqqaarneqartup atorineqarneratigut naalakkersuinerit attuumassuteqanngitsumik aalajangiinissamut tunngaviusumut naapertuuttumik akeqartinneqartut, sooq inerniliisoqarsinnaanerit nassuiaat.
- 13) Aningaasaqarnerit paasissutissat/naatsorsuutini paasissutissat nuussinertut akigititanik aalajangersaanermut periaatsip atorineqarnerani atorineqartut allallugit takussutissiaq.

14) Ataasiakkaani, marluk akornanni aammalu tamat akornanni APA-t atuuttut kiisalu akileraartarnermut isumaqatigiissutit aalajangiinerillu allat siunissamut atuuttussat akileraartussaataasup suleqataaffiginngisaasa, kisianni ingerlatitsinernut nakkutigisaasunut tunngatillugu attuumassuteqartut, assilinerat.

Imm. 3. Nunamut tunngasumi uppersaammi aningaasaqarnermut, aningaasalersuinermut naatsorsuutinullu paasissutissat pillugit najoqqutassat makkua ilanngunneqassapput:

- 1) Ukiumut isertitaqarfiusumut akileraartussaataasumut ukiumoortumik naatsorsuutini kukkunersiugaasunik peqarpat, taakkua ilanngunneqassapput, taamaangippallu naatsorsuutit kukkunersiugaanngitsut tamatumunnga taarsiullugu ilanngunneqassapput.
- 2) Paasissutissat aamma atugassiuinermit immersugassaq, naatsorsuutini paasissutissat nuussinernut akigititanik aalajangersaanermut periaatsimi atorineqartut qanoq akileraartussaataasumut ukiumoortumik naatsorsuutit qanoq naliigissarneqarsinnaanersut takutitsisut.
- 3) Takussutissiat aamma immersukkat, ingerlatitsinernut arlaannaannulluunniit attuumassuteqanngitsunut, nuussinernut akigititanik aalajangersaanermut misissueqqissaarnermi atorineqartunut sanilliunneqarsinnaasunut aningaasaqarnermut, aningaasalersuinermut aamma/imaluunniit naatsorsuutitut paasissutissanik attuumassuteqartunik takutitsisut, kiisalu paasissutissanut taakkununga najoqqutarisat allallugit.

§ 6. Akileraartarnermut ingerlatsivik akileraarutini misissuinerup ingerlanerani paasissutissanik najoqqutassanillu annertunerusunik piumasinnaavoq, ilanngullugu najoqqutassanik tapertaasussanik suliaqartoqassasoq. Paasissutissat najoqqutassallu, naalakkersuinermit attuumassuteqanngitsumik nalilersuinermit naleqquttutut isigineqartariaqartut, piumaneqarsinnaapput, ilanngullugit nassuiaanerit §§ 4-imi aamma 5-imi taaneqartunik itisiliinerit misissuinerillu, misissueqqissaarnerit il.il. § 2, imm. 3, taamaaqataanik atuutissaaq.

§ 7. Akileraartarnermut ingerlatsiviup akileraartussaataasooq ingerlatitsinernut nakkutigisaasunut ataatsimut arlallinnuunniit qarasaasiami paasissutissaasivimmut misissuinermit suliaqarnissaanik qinnuigisinnavaa. Qarasaasiami paasissutissaasivimmut misissuinermit suliaqarnissaq pillugu qinnuiginninneq taamaallaat akileraarutini misissuinerup nalaani saqqummiunneqarsinnaavoq.

Imm. 2. Qarasaasiami paasissutissaasivimmut misissuineq paasineqassaaq tassaasoq sanilliussinermit tunngaviusut malillugit ujaasineq, akigititanik aalajangersaanermut kiisalu ingerlatitsinernut nakkutigisaasunut akigititanik aalajangersaanerup naalakkersuinermit attuumassuteqanngitsumik atugassaqartitsilluni pisimanersoq nalilersuinermit atugassatut atorineqarsinnaasoq. Ujaasineq qarasaasiakkut paasissutissaasivinni tamanit pissarsiarineqarsinnaasuni pissaaq, ilanngullugu akiliilluni pisinnaalluni.

Imm. 3. Qarasaasiami paasissutissaasivimmut misissuineq makkuninnga imaqaasaaq:

- 1) Ingerlatitsinernik, misilerarneqartunik aammalu akigititanik aalajangersaanermut periaatsimik atorineqartumik suussusersiineq.
- 2) Toqqaaniarnerup ingerlaneranut nassuiaat, ilanngullugu toqqaaniassamut annertussutsinut pitsaassutsinullu tunngavissaritaasunut tunngavilersuutit.
- 3) Iluarsiiinernik akuttoqatigiissitsinernillu atuinermut nassuiaatit.
- 4) Qarasaasiami paasissutissaasivinnit uppersaatinut najoqqutassat aammalu allatigut paasissutissanik

atuineq.

Imm. 4. Akileraartarnermut ingerlatsiviup qarasaasiami paasissutissaasivimmut misissuineramik suliaqarnissamut akileraartussaataitaasoq ullut 60-it aamma 90-it akornanni piffissalissavaa.

§ 8. Nalunaarut ulloq 1. januar 2021 atuutilerpoq.

Imm. 2. Nalunaarut nakkutigisaasumik ingerlatitsinernut, ukiumi isertitaqarfiusumi ulloq 1. januar 2021 kingusinnerusumiluunniit aallartittumi, suliarineqartunut atuuppoq.

Namminersorlutik Oqartussat ulloq 25. november 2020

Vittus Qujaukitsoq

/

Nikolai S. Christensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut